

SIK-P INUUSUTTAASA NUTAARSIASSAATAAT

21.05.21

SIULERSUISUT

SIK-p Inuusuttaasa siulersuisui Majip 18-niik 24-nut Sisimiuniipput. 19. Maj Knud Rasmussen Højskoleani saqqummiunneqarpoq SIK-p Inuusuttai sunaana? Aammalu Knud Rasmussen Højskoleani ilinniartut atugarisatik pillugit oqallitsinneqarlutik. 20. Maj Knud Rasmussen Højskoleani forstander Axel Lund Olsen ataatsimeeqatigineqarpoq, tassani ilinniartut qanoq ittut ilinniariartarnersut saqqummiunneqarluni. Inuusuttut Ataqtigiit telefonikkut ataatsimeeqatigineqarput, tassani siulersuisut imminnut ilisareqatigiipput aammalu suleqataaffiusinnaasut eqqartorlugit. Inuusuttut Ataqtigiit aamma SIK-p Inuusuttaasa siunniuppaat ilinniartut ineqarfii annertuumik nipilioqatigiissutigissallugu aammalu suliffeqarfinni pisortat SIK-p isumaqatigiissutaanut pikkorinnerusariaqarnerat suliniaqatigiissutigerusullugu. Unnukkut siulersuisut ataatsimiipput, ataatsimeersuarnissamullu peqataasussanik paasissutissanik nassiussiortorlutik.

SULEQATINIK ATAATSIMEEQATEQARNEQ

Siulersuisut innarluutillit kattuffiannik ataatsimeeqateqarput "Tilioq", tassanilu suleqatigiissutigisassatsinnik immitsinnut tuniorarpugut, aammalu nipiloqataaffigisinnaasatsinnik siunnersorneqarluta.

*"Inuusuttut sulisartut ilinniartullu innarluuteqarunik
innarluuteqanngikkunilluunniit assigiimmik
siunnerfeqarsinnaasariaqarput"*

SIK-P INUUSUTTAASA DANMARKIMIIK SULEQATEQALERNA

Nuannaarutigissavarput SIK-p Inuusuttai Danmarkimiik 3F Ungdom suleqatigiissuteqarfiginiarlugu siunnerfeqalermata, aammalu minnerunngitsumik Avalak suleqatigiissuteqarfiginiarlugu 21. Maj ataatsimeeqatigineqarlutik.

SØMANDSHJEMMEMI SAQQUMMIINISSAQ

SIK-p Inuusuttai Sisimiuni Sømmandshjemmemi 22. Maj Nal. 15:00 – 17:00 saqqummiillutik ilisaritissapput, aammalu inuusuttut sulisartut ilinniartullu sulinermtut/ilinniarnermut tunngassuteqartunik oqallitsinneqassallutik.



INUUSUTTUNUT SULISARTUNUT ILINNIARTUNULLU QAAMMARSAAQATAANGIT

Danmarkimi ilinniartut amerlasoorpassuit ilinniarnerminnik unitsitsiinnartarput, tassanilu peqqutaanerpaasarput nunatsinni aammalu Danmarkimi atugassarititaasut assigiinngissutaat soorlu: SU, ilinniartut ineqarfii aammalu ikiorneqarusukkaluarluni saaffissaaleqineq. Taamaattumik Danmarkimi ilinniartunut/ilinnialertussanut siunnersuuteqarusuppugut Avalak-p immikkoortortaarfii soorlu ukuusut: Aarhus, Aalborg, Odense aamma København attavigineqarnerulertariaqartut.

